

嘉慶松江府志

松江府志卷六十二

寓賢傳

高人逸彥游歷至斯斯地以人重然必有感召慕悅之端非僅以山川之勝遠戀忘歸也故寓公多賢則鄉風治化略可概見夫歌扇酒旗雲閒久臥者風流往矣而最閒之園璜溪之社猶可想見當時之有樂乎此也豈借材異地云乎志寓賢

唐

陶峴晉處士潛孫開元末家崑山汎游江湖自製三舟與孟彥深孟雲卿焦遂共載吳越之士號爲水仙其詩曰

匡廬舊業是誰主吳越新居安此生白髮數莖歸未得
青山一望計還成雅翻風葉夕陽動鷺立蘆花秋水明
從此舍舟何所詣酒旗歌扇正相迎

尤袤全唐詩話

秦系字公緒會稽人隱泉州南安九日山又號東海釣客
其呈韋蘇州詩云久臥雲閒已息機青袍忽著狎鷗飛
詩興到來無一事郡中今有謝元暉

全唐詩話

朱放字長通襄州人隱於越之剡溪遭寇亂避地雲閒貞
元初召爲拾遺劉長卿贈以詩云詔書徵拜脫荷裳身
在東山閉草堂間闔九門通禁籍華亭一鶴在朝行滄
洲離別風煙遠青瑣幽深漏刻長今日卻回垂釣處海

鷗相見已高翔然放終不就也後仍歸剡溪

陳志

宋

梅堯臣字聖俞宛陵人工詩初廢主簿後賜進士出身累官尚書都官員外郎以叔詢知蘇州往來青龍鎮著有

青龍雜志

青浦志

李行中字無悔雪川人徙居松江高尙不仕

龔明之中吳紀聞

按蘇集及雲間志但言無悔築室青龍江上東坡名之曰醉眠亭不詳何地人前志列入隱逸

米芾字元章襄陽人

宋史作吳人誤都穆寓意編已辨正

歷知雍邱縣漣水

軍無爲軍書畫學博士擢禮部員外郎出知淮陽軍爲文奇險畫山水人物自名一家妙于翰墨得王獻之筆

意青龍鎮隆平寺經藏記云元豐五年春正月襄陽米

芾治事青龍賓老相過出此文愛而書之

本傳參雲開志

按芾治事青龍不載宋史本傳惟經藏記載雲開志其游歷之蹟爲可據也因爲補列

章棻字質夫子厚之弟其先浦城人有諱仔者仕閩爲兵官嘗出兵二將後期當斬夫人練氏救脫之後二將握兵南唐破建州夫人猶在二將使人以金帛遺夫人且授一白旗曰吾屠城夫人植旗于門吾戒士卒弗犯也夫人悉返之曰幸思舊願全此城否則與俱斃耳二將感其言遂止不屠君子知其後必大至得象遂相仁宗子孫貴盛終宋世不絕棻其從子也官至知樞密院封

秦國公諡莊敏始仕試大理評事監華亭鹽樂其土風

因家于崧宅里青龍之有章氏自此始

顧志

按監華亭鹽宋史不載雲間志章望之思堂記可證至徙居青龍揭侯斯章夢賢墓誌云章氏系出浦城居上海青龍崧宅里者自宋秦國莊敏公案始是可按也莊敏作莊簡恐係宋史之誤

邨實字正夫崑山人嘉祐二年進士熙寧三年上書言松

江水利乃授司農寺丞提舉興修水利其別業在青龍

鎮故有邨家橋今名邨店

青浦志

按邨實係春秋鄭大夫邨張之後其後裔至明季復蒙張氏遷居青浦康熙三十九年進士常山知縣張德純也其後也

李遂荊州人爲浙西漕司丞既罷官遭亂避居浦南竹岡

昭祥伯春仲春皆其後

南淮志

何中立許州長社人紹聖進士知許陳二州累官樞密直學士建炎初與從弟滄扈蹕南渡居黃浦南之余何潭滄歷官朝奉大夫制置京西北路幹辦公事上都尉賜紫金魚袋賦性勁直時以廉吏稱之愛青龍鎮風土遂

卜居焉

青浦志參何氏家譜改正

王垂裕宿遷人太學生隨高宗南渡卜居青龍鎮紹興間諫主和議削籍爲民孝宗立復上書擢爲錢塘教授嗣爲正言時湯思退復主和議垂裕劾其姦邪黜爲縣丞有惠政民爲立祠于大業慷慨尙義修建文廟出粟賑

飢大吏特疏旌獎

青浦志

王迪字八三汴人靖康進士正直自守通經學熟累朝典

故官太常寺丞扈蹕南渡嘗至雲間鶴沙愛其地僻風

淳遂棲隱焉

南漚志

俞韋齋汴人侍孝宗讀以詩文名好方外之學徧游名山

至雲間擇紫岡家焉其七世孫曰仲明號湛然子游心

好道父沒葬東海上結廬其旁事母尤謹

陳志

瞿榆維字安道汴人嘉定間監下沙場因卜居鶴沙子哲

孫君用曾孫霆發世官於朝爲海上名族

南漚志

杜可久祁公後爲青龍直學以文行訓諸生家于西霞浦

卒葬杜村

青浦志

吳潛字毅夫寧國人嘉定十年進士第一歷官至參知政事拜右丞相以忤丁大全謫嶺外幼時侍其父讀書於

下沙場

南漕志

陸夢發字太初歙縣人寶祐四年進士官太府寺丞德祐

乙亥沒于上海著有烏衣集

宋詩紀事

吳惟信字中孚湖州人寓居白鶴村以詩名著有菊潭集

吳郡人廩鼻見惟信文亟稱之一日相遇叩所作惟信

誦一絕云白髮傷春又一年間將心事卜金錢梨花瘦

盡東風軟商略平生到杜鵑糜不覺下拜曰天才也

郭志

殷羣號古溪娶曹學諭女因居小蒸至今呼其地爲殷莊

官轉運司幹辦公事

郭志

高晞遠通州人咸淳德祐間通判平江府自城潰家散瑩然一身浮游江湖嘗館于衛參政涇家晞遠學問賅博

尤精邵子之學

郭志

邵桂子字德芳淳安人咸淳間以博學宏詞登進士第授處州宋亡不仕娶華亭曹澤之女因家小蒸爲斯文領袖者四十年年八十二卒歸葬淳安著有雪舟脞談稿又嘗作忍默恕退四卦以自警子祖義池州學錄能詩工篆隸孫亨貞自有傳

顧志參青浦詩傳

陳宏莆田人宋末徙居華亭以儒業起家遂于易嘗著易

象發揮易孟通言童子問

郭志

林景曦字德陽號霽山溫之平陽人咸淳七年自太學釋
褐授泉州教官歷禮部架閣轉從政郎元兵南下遂不
復仕至元十五年楊璉眞伽盡發宋諸陵時景曦故爲
杭丐者背竹籬持竹夾遇物卽以夾投籬中又鑄小銀
牌繫腰間賄西番僧僧左右之果得高孝兩朝骨爲兩
函貯之葬紹興之蘭渚山植冬青樹志之聞者莫不景
仰稱霽山先生往來吳越廿餘年居雲間甚久有雲間
懷古廬山訪僧二陸故居澱湖黃耳冢諸作所著詩文

集十卷士林傳誦之

陳志

陳允平字衡仲又字君衡號西麓鄞縣人才高學博一時名公卿皆爲傾倒放情山水往來吳松寓青龍白鶴江間著有西麓詩稿石湖漁唱元初以人材徵至北都不受官放還世尤高之

青浦詩傳

元

葉李字亦愚贅居華亭宋少保夢得之後也李在宋以太學生上書詆賈似道似道怒嗾林德夫誣以金飾齋扁不法黥配漳州及放還遇似道于途贈以詞云余歸路君來路天理昭昭何不悟公田闢子竟何如仔細思量

眞自誤雷州戶厓州戶人生合有相逢處客中邂逅欠
蒸羊聊贈一篇長短句元世祖平江南與王泰來同召
授以官凡軍國大事必與商略一日不在列問其故則
病足遂以所御五龍車召之至命坐而咨決焉累官至

中書左丞

郭志參本傳

趙孟頫字子昂吳興人宋太祖子秦王德芳之後仕元累
官至翰林學士承旨嘗往來松江南禪普照亭林及泖
上崇福寺最數梁棟皆其手題而寶雲寺碑及前後赤
壁賦尤爲郡中所重夫人爲泖西管氏名道昇小蒸人
至今其地尙稱管道云

郭志

任士林字叔實家奉化松林鄉人稱松鄉先生其先蜀綿竹人宋少師希夷之後也八世祖始居奉化再徙崎山士林六歲能文趙孟頫袁桷輩咸推其文謂今之柳河東云大德間攜家華亭與衛山齋謙善有訪山齋詩及興聖塔華藏院諸記至大初舉主安定書院明年卒葬松林鄉子邦由松江府史至兩浙鹽運照磨致仕子孫遂家華亭

顧志

呂克勤字勉夫東萊人申國正獻公十二世孫性豪邁不羈學問該博能文章以醫名世游松江與邵桂子爲文

字交子紹聞孫文虎

顧志

秦知柔字元吉號節齋宋學士觀六世孫世居維揚咸淳間遭兵亂知柔扶其綸誥譜牒圖象與其弟知剛知微知立知彰同渡江知立居趙屯村知微居九團知柔居滬濱知剛知彰復歸揚州元浙東宣慰使費察以知柔通儒諳律薦擢江浙行省中書省倬使卒年七十四葬淡井廟北子良顯良顯良顯見列傳

秦氏家譜

柯九思字敬仲號丹邱生又號五雲閣吏仙居人以廕補華亭尉不就遇文宗于潛邸及卽位擢爲典瑞院都事直奎章閣特授鑒書博士罷官後流寓松江時往來吳閬九思善畫竹石得文同筆意嘗謂寫幹用篆法枝用

草法葉用八分或用魯公撇筆法木石用折釵股屋漏

痕遺意至正乙巳暴疾卒于吳閶年五十四

郭志參本傳

楊瑀字元誠錢塘人性警敏博學長身紫髯如畫天厯間
召見奎章閣命篆洪禧明仁二璽文稱旨署廣成局副
使擢典簿中瑞司與密謀草詔黜姦臣伯顏超授奉議
大夫太史院判尋同簽院事江南盜起改建德路總管
得謝來松居鶴沙鎮追論平賊功陞浙東宣慰不赴遂
老鶴沙初瑀在太史時上從容詢其鄉土對以西湖葛
嶺之勝御書山居二字賜之因自號山居所著有山居
新話卒返葬葛嶺云

顧志

黃公望字子久號一峯又號大癡相傳常熟陸神童之弟
出繼永嘉黃氏黃年已九十始得之曰黃公望子久矣
因而名字焉性聰敏博極羣書百氏九流之術無不通
曉補浙省掾忤權豪棄去黃冠野服往來三吳閭閻三
教堂于蘇之文德橋至松居柳家巷畫師董源巨然自
成一家與曹知白善多留小蒸今其地有精九章算術
者蓋得其傳也後隱杭之笄箕泉復歸富春年八十六
而終

願志

孫華孫字元實永嘉人寓居華亭孝友文雅善方脈爲醫
學教授有旨待詔尙方辭免自幼得詩名年十七嘗賦

樹蔭堂詩云手植忘憂慰母顏每憐寸草報春難誰家人在閒庭院卻與兒孫種牡丹鄉先生衛謙亟賞之今子孫遂爲邑人

顧志

劉世賢字希孟東光人宋丞相摯九世孫忠肅善琴子孫世其學世賢遂以琴名浙右爲人端重虞文靖嘗贈以文游松與曹知白善至正十三年卒于小蒸子孫遂家焉四世孫鴻好古尙文兼善琴理竝受徵聘

顧志參青浦志

貢師泰字泰甫宣城人泰定四年釋褐出身爲翰林待制

拜御史至正中自禮部尙書爲平江路總管甫視事而淮兵至守將莫能支師泰率義兵出戰不敵懷印走松

江嘗寓靜安寺賦招提八詠其滬濱一章忠憤之氣猶

可想見云

顧志

火魯忽達漢名魯得之西域康里人平章冀國公保八子也性厚重安貧好學弱冠爲館甥于小蒸曹氏挈家入燕中乙亥大都鄉試以父廕授晉寧治中改監長興州秩滿仍居小蒸歷漕運萬戶浙東元帥入爲利用監大卿卒子企賢由直省舍人仕至吏部尙書

顧志

邁里古思漢名吳善卿西夏人僑寓松郡至正甲午登進士授紹興路錄事司達魯花赤撫字周至民愛之如父母杭州之克復也左丞楊完者統洞苗恣橫劫掠邁里

怒叱吏兵殲之苗盡死江南置臺于越檄邁里督義兵
招果毅軍分守要害永康寇起據縣邁里談笑復之除
廉訪司知事遷建康道經歷除行樞密院判官時御史
大夫拜住哥統臺軍三千紀律不嚴民罹其害邁里輒
抑之又不爲拜禮或諫之曰吾知上有君下有民耳安
問其他拜聞其語銜之會與方國珍部兵戰不利馳歸
遂遇害于拜第民麻跣慟哭從之者萬餘人事聞贈中
大夫僉江浙樞密事封西夏侯諡忠勇

顧志

謝毅字木仲西域人性周謹事上莅下非禮法不陳中臺
丞王德謙書循理二大字褒之以南省使累遷長兵曹

幕後爲農於上海王逢有北邱耕隱歌贈簪山謝逸人

卽毅也

梧溪集

章齊字叔敬江陰人少喪母鄉貢進士陸子方器其孝妻以女孫長善詩尤好琴有田宅以養父至正十五年守臣構亂遂奉父隱于松亂定歸踰年城陷失父乃哀毀致疾七日呼子庠書蓼莪詩四句而卒年三十七庠以鄉里道梗葬上海之奧原王逢志其墓

梧溪集

鄒時昌常州人毘陵失守時昌避地上海追慕其先人祠墓歸省不得繪青山老隱圖以示首邱之志青山者毘

陵門名也王逢爲作詩美之

梧溪集

瞿信字實父崑山人自幼嗜學平居整暇未嘗談人過惡
養二親備至家雖貧恒忻忻焉兄智卒孤兒女數人皆
爲婚姻教養至正間台寇作負母避青龍江上築室曰
閒野南臺御史李烈舉信孝廉不應卒

明詩
綜

張文名字惟顯江西貴溪人至正間由鄉貢仕華亭縣丞
以利物存心以誠意佐令多善政民愛之罷官後卜築
浦東張勝橋因號懷松示戀戀于是也九世孫士麟另
有傳

南淮
志

黃承司閩人勉齋裔孫至正間爲松江府提舉樂浦東地
樸風淳于三團建煙霞閣居焉後名其地爲黃家閣

南淮

志

楊乘字文載濱州人少負氣博涉經史由參謀府掾累官
監察御史遷江浙行省員外郎至正十二年杭州陷非
罪坐黜依青龍鎮章元澤十六年士誠陷松江乘知不
免命其子具禮享先祠畢設飲起行後圃中顧西日晴
好慨然曰晚節如是足矣誨其子治畦處置家事如平
日夜分就寢遂自縊遺書言死生如晝夜不足介意正
以得全臣節爲快云乘死二年臺臣白其前後事錄其
子由山東宣慰司都事卓清忠書院山長

顧志

楊維禎字廉夫山陰人母李夢月中金錢墜懷而生少穎

悟築萬卷樓于鐵崖山讀書其上五年因自號鐵崖泰
定四年成進士署天台尹改錢清場鹽司令時鹽賦病
民乃涕泣言之始獲減額會修遼金宋三史成維禎著
正統辨千餘言總裁官歐陽元功讀而歎曰百年後公
論定于此矣後轉建德路總管府推官擢江西儒學提
舉未赴汝潁兵起避地富春山依元帥劉九九張士誠
累招之不赴又忤達識丞相遂徙居松江築室百花潭
上號小蓬臺東南才俊造門納履無虛日酒酣以往筆
墨橫飛客吹鐵笛自倚鳳琶見者以爲神仙中人洪武
初屢詔起之賦老客婦謠一章進御乃賜安車詣闕廷

留百有十日纂敘例略定卽乞歸宋濂贈以詩曰不受
君王五色詔白衣宣至白衣還蓋高之也抵家卒年七

十五

陳志按舊志以上書件丞相
帖木兒今從明史本傳改正

王逢字原吉江陰人父爲松江庫司逢于至正丙午自橫
泖遷居烏涇父遺愛在焉見所著懷先民賦逢弱冠有
令名嘗作河清頌臺臣薦之以疾固辭大府交辟皆不
就自號最閭園丁又曰席帽山人洪武十五年以文學
徵時子掖山明經爲通事司令以父老泣辭乃止卒年
七十初逢祖母徐嘗手植雙梧于故里之橫河逢因名
其居曰梧溪精舍著有梧溪集

顧志參
本傳

葉杞字南有先世居京口別業在吳滙杞讀書負才李國
鳳經略南土杞密陳時事十條李嘉納之授進義副尉
丹徒縣主簿將別任之而柄移藩鎮乃築草堂于魚鱗
涇上顏曰漪南貢師泰爲序楊維禎稽淵爲歌王逢爲
楚音二章以落之遂老焉

上海志

焦白字任道本淮人遷於吳張氏據吳辭湖學教授避居
泖上興到作書畫率不凡後改名德乙郎年五十卒王

逢有德乙郎哀辭

梧溪集

謝瑛天台人宋理宗謝后祖魯王深甫七世孫也以茂才
薦安仁縣教諭不就隱居上海王逢題其家誥云喬木

家山烽燹外五花官誥喪亡餘集

梧溪

高克恭字彥敬其先西域人占籍大同官刑部尙書元末避兵來海上子孫世居之克恭畫初宗二米後用李成董巨源法造詣精絕神施鬼設不可端倪子昂亦推重之董其昌之曾祖母其雲孫女也

五茸志逸補

謝應芳字子蘭毘陵人兵亂南遷自蘇之葑門轉婁江渡吳松寓篠涇年踰八十歸老其鄉之橫山平生博雅好古在鄉郡請復鄒忠公祠寓吳又請復顧元公祠墓著有思賢錄辨惑編龜巢摘藁

郭志

張昱字光弼廬陵人少事虞文靖得其詩法仕爲江浙行

省員外郎行樞密院判已而棄官號一笑居士元末楊
維禎諸人在松昱時往來爲文字交郡中名迹題詠殆
徧張士誠招之辭以詩洪武初召至京以老乞還上憫
之曰可聞矣厚賜遣歸更號可聞老人年八十三卒
錢惟善字思復錢塘人至正元年省試羅利江賦惟善據
枚乘七發以錢塘江爲曲江由是得名號曲江居士官
副提舉張士誠據吳遂不仕寓華亭與楊維禎陸居仁
結詩文社其稿華亭夏溥序行之

顧志參本傳

張憲字思廉山陰人家玉笥山自號玉笥生少負才不羈
嘗走京師恣言天下事衆駭其狂還富春山涵縑流以

自放一日升高呼所親語曰禍至矣亟去三日而寇至死者五百家後仕張士誠爲樞密院都事吳平變姓名寄食杭州報國寺以沒嘗學詩於楊維禎最爲所許往來松江甚久湖山勝跡多見之詩云

顧志參本傳

薛倫字叔道與兄儀隨父琮任監支松江從楊維禎游通春秋善詩與琴洪武中舉賢良方正以母老不仕留松讀書七年始歸

陳志

馬磨字公振太倉人元季避兵郡南園池亭榭幽閑自娛屏絕世慮日誦經史爲人不事修飾樂與賢士大夫交楊維禎深器之有醉漁草堂二集

顧志

洪恕字主敬金華人避兵華亭性孝尙氣節能詩善行草

以講授終

顧志

吳毅富春人負時名嘗寓華亭之璜溪從楊維禎學授春

秋五傳

金山志

顧仁字守仁先世本蒙古氏仁以禮經中至正四年江浙

鄉闈爲書院山長授平江路儒學教授兵興乃退隱雲

間力田養親或勸之仕不應親沒遂徜徉九峯三泖間

以終

顧氏家譜

鮑興字熊飛鄒平人至正間避亂吳松母卒守墓二年哀

毀骨立服闋置大樓船一具以載父摒擋家具隨寓爲

家浮游江湖以娛其志楊維楨爲作孝子志

山東通志

沈維四字公常吳興世族與萬二萬三爲從兄弟二人富
于貲維四富于才初爲脫脫丞相行軍參謀脫脫遭讒
死遁歸故里張士誠據二吳遂率族人散處海濱有脫
脫舊屬居百花公主之撥賜莊往依焉其後萬二萬三
輩均遭籍沒維四獨晏然無事人服其先見

南淮志

蔡訓字君立江陰人元季兵起避地松江隱漢成里爲人
有機智故遇亂而不及於難與孫作出處相依築東郊
草堂以耕讀老作爲之記人稱曰東郊先生子景能詩

志

按顧志作上海人列
隱逸今從青浦詩傳

倪瓚字元鎮號雲林無錫人清姿玉立性好潔多讀書自
居清閤閣于世累泊如也詩名與虞范諸公相埒閒作
山水小景高韻絕世然不輕作家故饒一日棄田宅去
曰天下多事矣吾將遨遊以玩世自是往來五湖寓松
在曹知白家最久其賦泖上詩云泖上淹留再煥寒移
居何處卜林巒可憐產不能恒業聊復心隨寓所安船
底流澌微浙浙葦閒初日已團團故人存沒應難訪愁
裏題詩強自寬竹西鶯語太丁寧斜日山光淡翠屏春
與繁花俱欲謝夢如中酒不能醒鷗明野水孤颿影鶻

沒長天遠樹青丹楫何堪更留滯爲窮幽賞過華亭尋

沒江陰張端表其墓

陳志

陶宗儀字九成其先由閩之長溪徙永嘉陶山再徙台之黃巖少舉進士不第卽棄去務古學無所不窺游浙東西文師潞國張翥永嘉李孝光京兆杜本字學舅氏趙集賢雍家甚貧抵松教授弟子遇人以誠平居寡言笑至論古今人物上下數千年竟日不倦至正閒辟舉行人校官皆不就張士誠據蘇議署軍諮不往洪武四年詔取天下士六年命守令舉人才又以病免藝圃一區度給賓祭而已餘悉種菊栽接溉壅身自爲之遇勝日

引觴獨酌歌自作詩撫掌大噱人莫測也宗儀崎嶇離
亂幾二十年喪葬祭禮備盡其力人以孝稱家城北泗
水之南買地結廬以老晚益閉戶著書詳藝文志中
石國英號月澗本宿州人爲宜慰招討使有惠政宦於浙
遂家華亭孫瓊爲松江萬戶

郭志

潘塏字景安汴人元季官翰林學士順帝北遜塏遁之梁
溪明洪武初下書徵之乃徙華亭之大五圖家焉帝復
遣中使聘塏辭以疾使者三反詔謂智謀之士不宜
久居海濱塏度不免對使吞金而死其妻亦自盡

華亭志

明

孫固字以貞湖州人恬曠博綜長于詞賦不樂仕進杜門

修業洪武初辟署華亭縣學與楊維禎陶九成善名其

齋曰聽雪因自號焉胡祭酒儼爲之記

陳志

成廷珪揚州人避地海上淹貫百氏嘗闢萬竹樓于吳滙

好歌詩尤長于律有居竹集行世卒遂葬焉

陳志

賴良字善卿天台人宋名臣好古之裔以詩鳴客雲間楊

維禎王逢錢肅相與倡和嘗采東南詩人詩曰大雅集

一時稱爲盛事

陳志

楊仁壽號漁隱天台人元季挾衍易術來居松之陶溪能

詩文精草書得鮮于樞筆法以子爲東昌守酗酒得罪

死坐戍遼陽卒以書法動主帥得歸更號生還與年八

十餘卒同時有冀北李暉無錫華文瑾邑人姚汝嘉結

社終老沒後俱葬陶溪之純陽菴人號陶溪四隱

陳志

李暉字叔如號稼翁冀北人父可壬元季爲華亭尹遂入

籍華亭善醫能詩文有稼翁集及湯液本草

陳志

華文瑾號雲林無錫世家也元季奉母來寓于松績學好

古舉人材不就教授鄉里年六十二卒

陳志

孫作字大雅一字次知江陰人門弟子以尙清先生稱之

著書十二篇號東家子詞旨宏博元末挈家入吳惟載

三代藏書兩敝篋張士誠聞而廩給之卒謝去久之衆

爲買田築室于松焉洪武六年召纂修日歷授翰林編修官乞外授太平府教授二年選學官內除國子助教明年分教中都又明年還成均又明年擢國子司業後終于漢成里著有滄螺集宋濂爲作東家子傳

顯志

李寬字處仁原名可禮其先東平人父鎮撫松江萬戶因占籍華亭少偕弟可才輩從魯道源受春秋年十六魁江浙省榜世亂不出洪武初袁凱俞允等以人才薦署華亭訓導與掌教胡儼朝夕飭學宮端士習郡稱得師滿九載陞安遠令以述職赴京病没子萱繼登永樂十八年鄉舉有司表其堂曰世桂

郭志

貝瓊字廷琚號清江崇德人元季教授雲間已復客游寓居甚久著有清江稿雲間集居其半洪武初徵修元史

官國子監博士

陳志

錢鼎字得鉉號艾納生吳興人從楊維禎讀書郡中一室如破舟啜菽飲水力學不怠以古文辭名洪武六年冬舉天下巖穴之士曰秀才曰人才而松江以秀才人才舉者三人一馮恕授湖州府學官一周良用授高州府茂名邑長一卽鼎授國子學錄曾孫浩字宗海永樂二十一年解元爲山陰令有賢聲

顧志

宋克字仲溫長洲南宮里人少跌宕不羈好韜略將北走

中原會道梗弗果家居以氣節自勵人有過輒面折之
操觚染翰日費千紙遂以章草名寓松江俞氏郡人多
學其書陳文東壁從授筆法僧善啟謂宋筆正鋒陳多
偏鋒以是不及云洪武中同知鳳翔府卒

顧志

張樞字夢辰陳留人以明經薦爲松江府訓導遂家華亭
築室西郊曰讀書莊年踰八十精神壯健人目之爲林
泉民貝瓊爲作傳弟璧字景辰亦能詩舉洪武三年鄉

試仕蜀府典寶

郭志參
明詩綜

王嘏字伯純揚州人通春秋任府學訓導因家華亭有龍

洲集

車程天台人寓籍上海經明行修工詩文

顧志

曹睿字新民溫州人爲府學訓導占籍華亭通詩書二經

著有獨叟集

顧志

俞從隆字在明錢塘人洪武初鄉貢進士累官河南行省

郎中以病免寓居松江明春秋善詩文後以壽終

顧志

李象賢台州人寓居華亭洪武初爲縣學訓導明春秋學

于銅字至剛以字行另有傳

顧志

按列朝詩集象賢名珪
郭志云名璽未知孰是

楊基字孟載自蜀徙蘇與高啟張羽徐賁爲吳中四傑在

楊維禎席次賦鐵笛歌禎驚喜曰吾又得一鐵矣洪武

初游松江旋爲府學訓導與邱克莊全希賢同官後皆

至大官鄉人以爲佳話

陳志

王震字以東蘇州人愼密清白洪武初嘗徵校大祀樂後徙華亭時初頒大成樂諸郡皆聘震教習永樂初復徵以老疾辭著有八音圖彭溪稿

顧志

李肅號杏林金華人從趙雲居游得丹溪之傳元季游松江遂占籍焉永樂初薦拜松江府醫學正科年幾七十扈駕北征子敬舉永樂丁酉孝廉念肅年老上疏乞就祿養特授上海訓導孫祥天順丁丑進士

郭志

余學夔台州人方正學被收時寧海尉魏澤匿其幼子德

宗學夔微聞之變形佯狂迎澤于城作狂歌曰當年豫
讓豈純臣猶肯吞炭併漆身堪笑今來從政者叩頭新
主乞恩綸不慚周粟可偷生首陽節義如飄萍向日都
俞今反目區區尙願效程嬰澤默會之叱之出城兩日
後遇諸市復然澤乃密致書將正學文稿并德宗盡託
之學夔遂赴海至松江青村學治贈網易米以給潛入
城訪進士俞允允以正學門人家居不仕三叩乃得見
呈澤手版大驚遂匿德宗于家長史任勉以金遺學夔
不受意欲他徙勉出試錄示之知亦正學門人也始安
然絕跡城市終不詣任氏德宗冒姓俞後恐禍允復改

余而學夔亦有子孫世居白沙里

郭志

方德宗字必昌正學幼子俞允匿之配以養女而冒其姓
又有余豹者學夔從弟久寓于松之白沙里德宗既婚
乃依豹以居改姓爲余制行謹飭接物謙退晚號憶椿
示不忘父也爲里中教授以老壽終

奉賢志

陶振字子昌吳江人父某依金澤林青居振出其家塾又
學于楊廉夫通詩書春秋三經洪武初爲吳江訓導坐
事逮至京進紫金山金水河飛龍在天三賦得釋改安
化教諭歸隱九峯有釣鰲集

顧志

按朱彞尊跋云振以長陵起師北平作哀吳王漢歌感
慨悲壯意當日定流播于燕王閭之深怨私怨必甚矣

革除後詩文稍有忌諱者悉焚棄性是歌存集中而人
未有表其微者其後死于虎王達善挽以詩云昔爲海
上釣鯨客今作山中飢虎人飢之爲言食也以食
食人也九章無虎將無靖難之後或有飢之者乎

趙友同字彥如金華人父良仁博學邃醫遊吳中友同從
之因占籍長洲遷華亭家焉從朱景濂游工古文辭爲
縣學訓導姚廣孝言其深于醫遂授太醫又從夏原吉
治水及修永樂大典性理大全以本官領副總裁書成
當遷翰林以母憂去官卒

顧志

馮淮字會東一字雪竹初居崑山安亭好吟詩往來松江
陸文裕深讀淮詩請爲社會子遷與邃俱能詩深子楫
以江上別業居之父子力耕其閒後日本寇掠乃走上

海城中潘錄事分宅居之士大夫爭相迎款焉遂嘗以
踐更匍匐公庭邑令屠隆問其名遽起延之遂亦傲然
上坐時人兩賢之淮有江臯集遷有長鈇齋集遷有馮
子潛詩草南游稿

陳志

過璘字大璞平湖人成化二年進士父祔贅郡人顧氏遂
家華亭璘舉進士猶以平湖貫故自號半松由工部主
事歷江西按察副使爲人闔朗方直有能聲當路不悅
遂致仕正德四年卒年七十有九

顧志

沈椿字元齡錢塘人寓華亭爲人慤直遇不平事面輒發
赤以是呼爲沈義氣究心醫學多奇驗時方雙江廉爲

郡守椿內弟也二年未嘗入官舍亦未嘗以片語及之

人服其有守

郭志

沈煉字剛夫平湖人寓居璜溪宏治十二年進士歷任江西參議豪右屏跡墨吏望風引去始終以耿介稱

金山志

陸集字元成平湖人父淞解元成進士有別墅在陸橋之左集因居之博學明道嘉靖二十二年鄉薦晚號胥涇以所居地爲號也仕終吏部郎

金山志

陸郊字子野吳縣人贅華亭陳氏陳易簣時命其子中分田產郊攜室避居村落條然高寄以書籍自娛直指尙維持行部訪人物莫方伯如忠曰有陸子野者詩類孟

襄陽字類顏平原人品類王孺仲真高士也遂折節下
交郊以布衣野服據上坐人益高之著有子野集子應
陽自有傳

郭志

孫鏜莒州人爲商吳越間嘉靖中倭寇松江郡守任環調
兵食不繼鏜請輸貲以佐軍環聞其勇兼善刀遂請於
督師劄委効用鏜更括家財招里中親族爲部伍不費
公餉一日倭舟泊泖澣鏜出酣戰至石湖橋半渡伏發
鏜墮水死詔贈光祿丞廕一子

山東通志

宋旭字初暘居崇德縣之禦兒鄉以畫名海內萬厯初游
雲間從莫方伯如忠陸文定樹聲周提學思兼諸公結

社賦言寓超果四賢祠禪燈孤榻世以髮僧高之年八十無疾而逝

陳志

吳孺子字少君蘭谿人性好游嘗登雁宕樂其奇峻絕糧啖蘆蕪四十日猶不反與王世貞兄弟何良俊戚元佐趙用賢余寅沈明臣輩相友善寓松江南禪寺後移居東余白石山房依章憲文以居少君喜爲詩學杜少陵又善畫雞鷺水鳥閒作山水幽峭間適嘗過穀亭道中見有匏奇甚以數縑易爲瓢至荆溪遇盜擊破抱而泣者數日王世貞爲作破瓢歌唁之故又號破瓢道人後住梁谿年八十二卒王穉登爲立傳鄒迪光志其墓

陳志

彭齡字幼朔萬厯十八年曾寓松江或稱江鶴號甌甄子或稱祝會海或稱鄒長春莫詳其氏籍始與董文敏其昌游年七十許越三十餘年復至松攜一侍姬二小鬟文敏館之幾半載喜飲酒善養生家言亦能詩濡翰日可百牋忽欲南游復移家去行時以雙櫬自隨坐化于

廣陵或言齡嘗舉孝廉令某邑又云貴筑人

郭志

董中行號念龍由吳縣遷至華亭有上海陸完龍妻以女遂家焉天啟二年進士授工部主事掌節慎庫宿弊頓清後遷營繕抑絕虛估衆嫌之遂拂衣歸周忠介順昌被逮以五人擊死緹騎人無敢送者中行慷慨登舟貲

助以別累遷郎中督通惠河疏濬三百餘里漕運無阻
宦官張彝憲總督戶工二部尙書虛正堂待之中行掇
身出曰此堂祖宗所設尙書所坐若安得據此彝憲慚
沮踰年出爲浙江臬副會通江閘壞彝憲以前怨移罪
中行久乃得釋尋卒返葬吳縣子宏度蘇府庠生嘗設
教浦東以文行著邑令聘修縣志著有村居雜詠正誼
堂文稿周易纂要

上海志

黃淳耀字蘊生嘉定人崇禎十六年進士嘗館中書宋天
顯家共以忠義相助及京師陷天顯死節淳耀奔至舊
館爲位哭之未幾偕其弟淵耀殉節死

奉賢志

陳廿八浙之餘姚人僑居衛城賣竹爲生膂力過人持百斤刀旋運如風乙酉城破廿八巷戰殺死無算人莫敢撓侯承祖父子旣執廿八勢孤戰死首斷猶僵立踰時始仆

金山衛志

國朝

王懋忠字思岡蘭溪布衣明季遷青浦名入幾社著樊圃詩集樊圃誠言錢塘張綱孫祖望序之

青浦詩傳

錢德震字武子嘉興人明季占華亭籍補諸生後居北門外之倉河著青鶴堂集與修松江府志江南通志晚年髮垂兩耳不甚櫛沐年八十餘卒

松江詩鈔

朱賁字吉白休寧人崇禎中以歲貢爲某邑訓導署邑令明末致仕其同學金翰林聲倡義守徽練士民繕甲兵大閱與賁乘而觀之賁曰此子弟兵不足恃後果敗順治初來松教授卒于陶宅

松江詩鈔

朱元泰字若冲休寧人明諸生順治初遷華亭干谿鎮與曹次典陸履平諸人爲友著藥齋詩文稿

松江詩鈔

黃周星字九煙上元人崇禎十三年進士授南京主事後棄官周流江浙周星爲上海張太常元始鄉榜所得士於順治庚寅至松後康熙庚申復寓太常所以其季女許字其孫潮是年午日投南潯河死

南漚志

杜濬字于皇黃岡人以詩文名世生平足跡徧天下甲申後寓居松江之湛然庵志行高潔埽葉吟詩意宴如也一僕隨數十年歿瘞庵左濬爲文以記之

楓溪小廬參定山堂

集

趙潛字雙白原名炎字二火漳浦人著冷鷗堂集竝選國初諸名家詩名尊閣詩藏康熙閒至松僦一廬於笏溪之上吳祭酒偉業嘗訪之僻巷衡門二簋用享結歡而去人兩賢之嘗爲僧開堂設法後還初服

通志參松江詩鈔

蔣璩字篆鴻杭州人少從陳忠裕公游後來松寓王澤家搜訪遺文閱數年而歸

婁志

陸圻字麗京杭州人嘗偕蔣瑒來松寓王澐家甚久後以莊廷鉞明史一案牽累得雪遂棄家出游或傳其嗣法嶺南其子冠周徧求不得云

詩鈔
松江

金起士字懷節嘉定人父德開工詩以順治二年死于兵起士竄跡青龍寺作七哭詩詞極酸楚歸卒于家有

蘭陽鵲化二草

青浦志

宋琬字玉叔萊陽人丁亥進士仕至四川按察司曾被枉陷請室中久之乃釋客游吳越十年不歸於松郡尤

多寄跡云

松江詩鈔

張宏祚字爾培蘇州人隨其父紫垂僑寓唐行遂家焉

爲人樸實好吟詠著桐花集二卷年九十一卒

松江詩鈔

柏古字斯民嘉善人居白牛涇性質樸耽吟詠喜作山水時至青浦寓圓津禪院著芋栗吟子立本號吟山亦以畫名父子偕隱泊如也

青浦志

受丹生字彤寶嘉善人博學工詩康熙丁未青浦令魏球修邑志延其編輯句留最久後寓楓橋卒以貧死先是吳興祚知無錫縣時愛其詩文後總督浙閩聞其沒遣人葬之寒山寺側其妻陸觀蓮字少君號兩鬢道人嘉善人女默字墨姑竝工詩移家九峯皆先丹生而沒

徐鯤字左魚杭州人明諸生順治甲午登武榜官江寧
守備己亥海寇犯境落職寓金山衛城與徐稼翁輩倡

和著詩文集三十卷後游閩中卒

松江詩鈔

熊曰蘭字晚仙南昌人明季寓金山衛城因家焉居篠
館街以堪輿術自給性剛直豪於詩有越吟草

金山志參松江

詩鈔

吳歷字漁山又號墨井道人常熟文恪訥裔孫工詩尤
善山水識者謂兼倪黃之長屐游數萬里歸憩上海

上海

志參畫
徵錄

鄂曾字幼輿仁和人本姓岳宋武穆之後耽吟詠篆刻

尤工妻顧氏名姒字啟姬亦能詩工書翰姒父之繡官
青浦縣丞曾移家寓焉與王原交厚子林昂孫錦堂皆

諸生

青浦志

毛奇齡字大可蕭山人康熙十八年博學宏辭科授檢討其友任辰旦宰上海時來寓署中與邑中諸名流酬

答之作並載集內

西河集

陸隴其字稼書平湖人康熙九年進士知嘉定靈壽二縣終四川道御史雍正二年贈內閣學士謚清獻從祀聖廟著三魚堂集居泖濱館朱涇周氏珠街鎮席氏嘗謂學在通經知行並重當依程畏齋分年日程更將小

學一書時時省察及門如周纁趙鳳翔慎微張慧程儀

千唐定昌席漢翼漢廷輩皆謹承師訓焉

金山青浦
二志參

劉信字如行蘇州府學生忠節公畿孫倜儻負奇氣念
東南賦役之困非均編不能蘇適濱州李復興重宰婁
縣與之言意合遂贊成均編人蒙其利復興卒逋帑巨
萬家貧子幼信代繫刑部獄踰年赦歸會郡人欲建復
興祠信卽以卜居故宅讓之祠成居其中

婁縣志

樓儀字敬思號西浦餘姚人康熙中以薦充

內廷纂修由靈川令歷官江西按察補京卿持憲二十餘
年書籍數十篋外無長物未達時曾館朱涇施涇如家

解組後復居上海著有菴笠軒等稿

上海志

張琳字佩嘉杭州人寓松康熙中構居于西麓村曰芥舟與馮方山倡和爲西村集又與朱初晴徐景于輩聯

詩會名于野集

松江詩鈔

言德堅字侶白常熟人先賢言子裔潛心理學館朱涇邑中名流咸執弟子禮

聖祖仁皇帝南巡以先賢後裔

特命召見授翰林五經博士世襲奉祠祀焉

金山志

王時昌字與楨金華人工詩賣藥海上晚年移居陶宅

與黃中允之雋倡和至老不衰卒年八十五

奉賢志

高晉字介壽一字松門蘇州章練塘人爲青浦珠里吳
贅婿因占籍焉補諸生絕意仕進雅好吟詠與陸祖修
王會圖等爲里中十子所著有勝國遺聞八卷松門小
草二卷

胡廷對字賡雲歙縣人系出方塘康熙五十一年由貢
生授婁縣教諭署縣事升常州府教授樂郡風土因留
家焉宅心制行醇厚端慤訓子弟尤方嚴一門之內肅
若朝典子八人俱以才學稱於時後以少子寶琮官河
南巡撫贈如其官

張鵬翀字天屏號南華嘉定人雍正五年進士歷官內

閣學士未達時往來九肇三泖閒嘗主青浦張翀家南華善山水翀亦以畫擅場兩相得也

青浦志

錢起盛字默宰鄞縣人爲人樸率棄諸生挈妻子來松訪焦徵士袁熹談濂洛關閩之學嘗依近思錄條例纂成性理要書二十八卷朱子四書要義若干卷

金山志

葛景中字運乘崑山貢生明太常卿錫璠曾孫授徒珠街鎮學者爭趨之後官來安訓導卒

青浦志

蔡隴字文舟崑山貢生官含山訓導嘗館珠街鎮從游者日衆遂遷居焉爲人誠懇教人以盡倫篤行讀書好古爲亟及選廣文尤以師道爲己任諸生聞其言往往

感激愧厲至有泣下改悔者居五年以老致仕歸

青浦志

沈璜字淮音長洲人學務淹博乾隆三十年舉人以病

廢依女夫寓青浦性孤介嗜酒與人不甚作酬答然與

飲亦無忤也年六十八卒存白腹稿兩卷

上海志

高景光字自柏元和人諸生初以國泰名入松江庠又

入天津庠歷試南北不售遂肆力詩古文辭與曹副憲

錫寶王司寇昶往來峯泖間寓珠街鎮尤久著有夢草

書堂詩稿

詩鈔
松江

汪大經號西村秀水縣學生工詩文善書年二十一爲

婁縣朱氏館甥遂家焉乾隆三十年

南巡召試二等浙江巡撫福崧聘修西湖志爲編修杭世駿侍郎翁方綱推重臨沒自作挽聯云閱世六十九年以不才老存詩五百餘首與來者看著有借秋山居詩鈔文鈔吹竹詞各若干卷